

太上洞神三皇儀

卷十

度三皇泰契章訣若別登壇誦誦巡行三壇者各一周畢

師向東發爐

次再捻香出官如法

次讀章登壇時凡足所付文

某州縣鄉里係天師某治炁道士男女生官夫姓名年如干歲叩頭乞恩辭訴以肉人胎生下流蟲蟻之類宿慶所襲摧形太陽謬遭明時師老布化陶染玄風沐浴靈澤與充治蘇兼進參真符荷恩隆重誠自慶悅不揆愚暗希進忘還伏承上古有三皇天大符圖契傳不死之道學得登仙並成真人今供辦齋醮之具仰齋信儀謹冒昧奉詞上聞伏惟明慈法師垂矜一切有心之至特申洪施以見賜授如蒙哀愍則朽骸更生謹詞

太歲某月日時奉詞

白絹四十尺金三兩白銀三兩真丹二兩米五斗薪二束手中九條刀子九口澡盆澡盤各一黃素四十尺金銀六雙絳紋三十尺銀鐸一雙朱五斤紫綾四十尺碧絲五兩黃布

八十尺黃紙一百張黃筆一雙金刀一口五方絲三丈九尺東青九尺南絳三尺西白七尺北皂五尺中央黃一十二尺皆用紬右二十一件某受三皇一部法信無者註開之詞後有應酬編受各隨願也

某州縣鄉里係天師某治炁某弟子姓名年如干歲字某戶屬男女官主者姓名治男女官道士姓名

保舉五人連銜

右一人學道修生貪慕神仙靜志潛默不從世榮今齋法信求受三皇內文請依法傳授

章文

泰玄都正一平炁係天師某治炁道士奉行洞神三皇經事某獻真人臣某稽首再禮上言謹按文書臣以六蔽凡流小子謬遭明時得在人倫道士之末銜命宣真採擇種民而以暗鈍施化無方未有善效負愧皇一伏自思省識惟蟲蟻少不慕世志在治身棲心巖穴性實所重非敢虛飾昔受仙隱秘法經文符圖積歷年載雖未山居默處自銜受道

以來穰患却害禍消福臻百願咸從效驗既加宜宣大化以副皇極今有某州縣某鄉里男女官姓名好道樂生仰慕清虛靜思內教不貪流俗投身山川味道染法採服神藥絕穀修生誠可甄稱今投詞詣治求受臣所受三皇內文臣不敢隱蔽高妙獨保清真輒投於某某受之後約檢身心承法秘密不敢輕泄登嶽入瀾越海踰江千精百禽蛟龍魔魅皆為其執伏呼召立至驅役萬靈金丹之液真炁自生心中所願不求自成長存久視得為真人臣章到天曹願告下天地水三官五嶽四瀆三河四海八極靈山名水四面八方諸天諸地世間萬靈杜稷真官注氣咸使聞知某所遊方域皆當奉承以為大信某未受皇文之前所犯千罪萬過惟蒙原赦恩惟太上分別求哀臣愚謹因二官直使正一功曹左右官使者陰陽神決吏剛風騎置吏驛馬上章吏飛龍騎吏等官各十二人操臣男女官姓名拜受三皇內文符圖契傳赤章一通上詣

三天曹伏須告報臣某誠惶誠恐稽首再拜以聞

臣姓某係某州縣宮觀焚修

泰清七寶玉陛下

太歲某年某月日

付券契符圖印傳談

操章畢讀券契文一名王券一名金契言其刻券者語

其分

三皇券文

維某年太歲某月朔甲子某州縣鄉里男女

姓名年如千歲好道樂生質合六神冥契奇

要今率丹誠詣某嶽真人姓名求授

三皇內天文大字圖傳券契符使符等謹

按大有小有神仙圖文天皇地錄總領羣神

名會百鬼役龍命真封掌五嶽司察川源上

聞

太上仙都大神太上丈人太極四真授經尅

誓並依本文上願飛騰中願延年下願祿位

貨財自然委素投金軟丹水約某月齋告良

日吉辰無風無雨不雲不塵五嶽列位二十

右十四卷今以授某謹誓天神地祇日月星

五神七祖臨盟上誓九天所名即到受事皇
前金石為開禍逆為泐違盟負約不年而傳
賢愚失授愆戾天文身入風刀尸絕幽泉七
玄父母考于水官臣某今謹授某先師本文
大有錄圖經目如左

洞神經卷第一

大有錄圖天皇內文

洞神經卷第二

大有錄圖地皇內文

洞神經卷第三

大有錄圖人皇內文

洞神經卷第四

八帝妙精經上

洞神經卷第五

八帝妙精經中

洞神經卷第六

八帝妙精經下

洞神經卷第七

八帝玄變經上

洞神經卷第八

八帝玄變經中

洞神經卷第九

八帝玄變經下

洞神經卷第十

八帝神化經上

洞神經卷第十一

八帝神化經下

洞神經卷第十二

三皇齋儀

洞神經卷第十三

三皇朝儀

洞神經卷第十四

三皇傳授儀

右十四卷今以授某謹誓天神地祇日月星

辰玄妙錄圖大有皇文九天真仙都大神五
嶽四瀆諸山河源千神萬靈二十五神皆臨
盟輔衛某身神仙符籙小有真文令某飛昇
五嶽之君受符行事不得妄傳畫一軟丹告
于三官如仙都律令

男女姓名詣某州縣鄉里男女法師姓名於

某處受三皇天文齋信對齋軟丹為盟某授

道不得二心懷疑皆當承師之誓若不孝不

仁不忠不信妄傳非人口是心非得道之後


背叛本師宣露道真綺言名道世常聞見是

所寒心身受災殃延及子孫各以手書分符

契今傳必得其人不得妄傳故共畫一為信

某州縣鄉里男女法師姓名於某處受

三皇經券



維某年太歲月朔甲子某州縣鄉里男女道
士姓名如千歲詣某州縣鄉里男女法師姓

名於某處受三皇經券

讀券竟舒置板上師執朱筆上令弟子捉下共畫一畫一畢放筆師命弟子執刀柄以刃正置同字上牽刀師推刀破券竟各卷縱縛之置案上弟子執銀一雙師執刀

子刻之初刻左呼天皇諱字弟子隨師口道諱次刻右呼地皇諱字次刻中呼人皇諱字三刻畢各以一銀貫券銀小縱繫之並置案上此初案無者可用別貫銀竟弟子開三皇文伏者之師依音讀授弟子第

子隨師口道之音在第四卷中臨用開大字如皇文法畢各次度黃女三將軍弟子伏師讀黃女神符後年號至律今次授三皇將軍依文至後弟子隨師次授九皇隨師口臨時經讀之畢置案上次授

諱諱門中字第次祝內精符曰

天皇主氣 地皇主神 人皇主生 萬靈衛身使我飛仙 得見皇君 上昇仙都 九者之門

右縫囊裏口次九天發兵飛騰符無呪直

閑氣向符心存呼三皇諱訖通氣券符納囊中

次授昇天券昇天券有兩文者略者不異初授三皇先分前者此文諸居離合成章存思感通神真降授今承師口誦訣如左入山隱居者亦可受後者與前不相妨理深各依訣耳

昇天籍地何耽仙 靈皇暢我八威天勿語勿謠備汝身 口口銜受陰風門雷鳴電吼水發衝 坐起四顧返命根龍虎吐納精和元 天井開闔玉閣聞小星出入如劍形 好固分別以求仙

先授東方青文曰 高皇飛皇靈皇祖皇當保延某人神形

次朱文 子欲度尼玉芝地生上功有積必超人形別承木德首昇皇庭

次黑文

大道太真受學勤行天師與其分券三一以寧太一須門願子越兵請命長久道行身仙

次受券訣師命弟子起指諸門一拜四拜太一三元四真也次伏地師上壇向北拜太清正中經前

朝太帝向北奏青繪章霞奏伏須報應須此青章文如黃表若總校初然後起徐步不奏一黃表不須更用青章然後起徐步奏行而名弟子引入大赫門南門也門歷一週太階向北再禮太一上君

次向北六禮三皇君

次轉向東謁帝君再禮

次轉向東朝太清玉帝君皇九君九禮九揖

次轉向南謁南極太始太昊君再禮

次轉向西謁帝君夫人三師君夫人

各一禮合八禮

次西迴東轉至南面正向北再禮伏聽覆奏重啟後時用大謝啟

師自迴案分券受事次謝四真四真次

出月門繞壇三周步虛誦讚頌之儀也總授未免不須

謝四真出月門步虛等

師執券弟子執刀鋸依師命破之先破日月合同次破天門合同先題東

者下帶身金龍隨之以青縱龍龍若券背紫紋囊或

案上置次題南者下付宅王虎隨之次

題西者下山中金鈕隨之次題北者

下付河石馬負之題三方亦置案上

宅及山沈流水也

次授靈書內文頌曰

上洞百八字 是明元始根 三皇世莽莽

故與獸同羣 化及黃帝初 選出三才賢

標舉八玄輔 倉頡至聖神 四目既聰智

書迹善書文 文契既始立 却數劫為年

用以相教化 劫劫有盟言 漸漸增智慧

各各著名勤 宣之轉恢廓 歷數成法輪

自非仁聖智 焉別三才元 故記賢用傳

漫漫山海津 妙哉神妙哉 孰知仙中仙

右畢納囊中置案上

次授丹書內文曰

三皇八帝 寶此內文 存行無怠 長為種民

運去隱淪 變白昇玄 神仙不死 應感則臻

來去是常 知之者明 當識真一 憶諱記名

右畢別受口訣且納囊中置案上

次授八威五勝十三符曰

能知八威 萬兆不衰 五帝之符 坐致行廚

羣神道從 前後走趨 符道自然 效驗斯須

吾告萬兆 體而行之 生自貴道 飛騰可期

萬兆勿疑 勤當得之 五八開用 凡十三符

吾重告子 松而密修 道授其人 吾亦不尤

篇目玄洞 與吾俱遊

右畢納囊中置案上

次授三皇內諱板讀先讀上板鬼字

今別次讀中板文次讀下板文畢字

上案次授三一內諱板上一中一下

一畢納囊中

次授童子錄總授者不須別判

讀錄教符乾坤百姓御制天地錄上真經不

得違離神符當行急急知太上老君律令

次約教度戒臨時取經用文多不重

謝恩後自

次授九天符契契教符

次授九天印玉香湯浴之具未動上

功別及言

次授竹使符曰

陰陽百二十官君制百邪見吾身形見吾萬

神中外言爾畢卷符劍符中朱熾塞口

次授傳授板上文如左

紫雲何鬱鬱 散靈飛九天 卯酉正南北

精修改故形 每令外如枯 內中含清真

某使黃金景 大中復有天 真靈唯妙道

幽幽入冥冥

貪生之道和於精 凝靈散氣九孔明

勿令自恣失竊冥

右畢授下板文授文畢以板付弟子納衣

中正安上板青緋合纏兩頭安朱熾師執

印印之印字首向外訖弟子捧之

次師教傳向王叩齒十二通祝曰

天皇上帝主生命地皇上帝拔死籍人皇上

帝除罪厄急急知律令

右畢撰傳衣置案上後有病家志信者教

戶上受恩免退即齋三日九

日不退亦還齋更齋無請效也

次說三皇題曰

第一天皇內學字字者志也明天使人仰觀

上文心識覺悟捨惡就善內志習勤外不炫

曜先覺教後後生導前前後相隨事入道神

神身相一不死長生也

第二地皇內記經文文者門也內學志明正而無憂舒以廣濟緣門至極

第三人皇內文明人俯察地理法地則天定內安外者普度無窮同歸玄門由學所得也

右畢校要戒

太上洞神三皇儀

洞神三皇七十二君齋方懺儀

主

廣成先生杜元度刪定

東方九天帝君

伏聞一氣凝空九天垂象啓四時而東風出震播五常而仁化行春啓運三光權輿萬有

今皇帝順天行化用道臣時德合陽和明齊景曜謹依科式齋香火燈燭供養之具歸命

東方九天帝君威星木德蒼龍七宿中外諸星官願以是功德降東上九天始陽碧城九

氣垂霞來輔

皇帝身於春季三月之中甲乙寅卯辰位有赤星暗曜地網天羅本命行年元辰衝破一

切災厄咸乞蕩除碧簡題名青宮益算二儀交泰七曜貞明風雨以時脰涼應序家隆國

泰速肅通安內外士民同霑善慶得道之後與天帝合真

與天帝合真

南方九天帝君

伏聞空洞凝華丹天演化運大德而炎精普照播文明而禮教遐宣高列九重下臨南極

今皇帝稟慶自天臣時降世德兼神武八方

迴向化之心道契淳和萬國賴昭蘇之澤謹依科式齋香火燈燭供養之具歸命

南方九天帝君威星火德朱鳥七宿中外諸星官願以是功德願降南上九天朱光丹臺三氣懸光來輔

皇帝身於夏季三月之中丙丁巳午未位有地網天羅赤星暗曜惡宿衝破本命行年一

切災衰咸蒙釋散南宮注壽丹簡題名永垂富國之功更耀長生之籍宮闈隆盛遐邇宴

安慶襲山河福霑軍庶得道之後與天帝合真

西方九天帝君

伏聞清濁分形陰陽定位秋至而九天氣肅金行而四海風清義定五常功成萬物

今皇帝應運挺生臣時播德化洽而寰瀛向化功高而天地同功每仰玄科以安邦國謹

依科式齋香火燈燭供養之具歸命西方九天帝君太白金精白虎七宿中外諸

星官願以是功德願降西上九天素華皓闕七氣流光來輔